



## पूर्वप्रम ओली व लेखकयात ज्वंगु विरोध आयोगया प्रतिवेदन पक्षपातपूर्ण जूगु दावी



लहना वाःपौ/ नेकपा एमालेया अध्यक्ष लिसें पुलांमह प्रधानमन्त्री केपी शर्मा ओली व नेपाली कांग्रेसया नेता लिसें पुलांमह गृहमन्त्री रमेश लेखकयात सरकारं ज्वंगु खँय थीथी थासं विरोध यायेगुया लिसें कानून सम्मत मजगु खँ धाःगु दु। वंगु शनिवाः सुथय एमाले अध्यक्ष ओली पुलांमह गृहमन्त्री लेखकयात मन्त्रपरिषदया निर्णय कथं ज्वंगु खः।

वयकःपित ज्वंगु घटनायात कयाः कानूनविदतयसं गलत जूगु खँ धाःगु दु। वरिष्ठ अधिवक्ता दिनेश त्रिपाठी ओली व लेखकयात स्वेच्छाचारी ढंगं ज्वंगु टिप्पणी

यानादीगु दु। यँय ग्वसाः ग्वःगु छगु ज्याइवल्य न्ववायेगु इवल्य वयकलं अदालतया अनुमति तर्क मकासें ज्वनेगु धइगु कानूनया उल्लंघन जूगु जिकिर नं यानादीगु दु।

त्रिपाठीया कथं सामान्य अवस्थाय नं जरूरी पक्राउ पुर्जी जारी यानाः सरकारं बदनियतपूर्ण गतिविधि याःगु धासें कानूनी व्यवस्था कथं सुयातं ज्वनेगु नितिं अदालतया अनुमति अनिवार्य जूगु खँ धयादीगु दु।

वयकलं जरूरी पक्राउ पुर्जी अभियुक्त प्रमाण नष्ट यायेफइगु वा बिसिउं वनेफइगु विशेष लिसे

अपवादजन्य परिस्थितिइ जक छयलेमाः थाय सरकारं सामान्य कार्यविधि थें याःगु धासें सरकारया थज्याःगु पलाखं न्यायपालिकायात हे अविश्वास याःगु खनेदुगु खँ धयादीगु दु।

वयकलं सरकारं भदौ २३ गतेया घटनायात जक आधार दयेकाः राजनीतिक प्रतिशोध कायेगु कथं गलत नियत तथाः अनुसन्धान न्ह्याकूगु दावी नं यानादीगु दु।

उकथं हे पुलांमह कानून मन्त्री लिसे संविधानविद निलम्बन आचार्य आयोगया प्रतिवेदनया आधारय ज्वनेगु ज्या पायछि मजगु खँ धयादीगु दु।

वयकलं आयोग निष्पक्ष मजगु धासें न्हापा हे बिचाः यानाः, न्हापा हे अपराधी ठहर यायेगु व उकियात पुष्टि जुइगु खँ जुक मुंकाः उकियात खण्डन याइगु खँयात चीकाः ज्वनेगु प्रक्रिया हे पूर्वाग्रही प्रवृत्ति जूगु खँ धयादीगु दु।

प्रतिवेदनया आधारय ज्वनेगु ज्या गलत जूगु धासें दकलय न्हापां सरकारं प्रतिवेदन सम्बन्धित निकाय छवयेमाःगु व वयां लिपा सम्बन्धित निकायं अनुसन्धान यायेधुंकाः जक मुद्दा न्ह्याकेगु माःगु खः वा म्वाः धइगु ल्यं ७ पेजय

## नेवाः देय् दबूया नेतृत्वय स्वम्हेसिया दावी



लहना वाःपौ/ नेवाः देय् दबूया दिनाच्वंगु तःमुंज्या थ्वहे वइगु नेपाल संवत ११४६ चौलागा दितिया व तृतिया (२०८२ चैत्र २१ व २२) निन्हुंयकं यँया राष्ट्रिय सभागृहलय जुइगु जूगु दु। नवलपुरया कावासोती स्थगित जूगु च्याक्वःगु तःमुंज्या यायेगु तयारी जुयाच्वंगु दु।

आः जुइगु तःमुंज्या न्ह्यु कार्यसमिति नीस्वनेगु कथं तयारी जुयाच्वंगु दु। निर्वाचनया नितिं मतदाता नामावली पिथनेधुंकागु दुसा थौं तकया दुने मतदाता नामावलीइ दावी विरोधया नितिं ई क्वःछिनातःगु दु। कन्हय् लिपांगु नामावली पिथनेगु ज्याइवः तयातःगु दुसा वइगु चैत्र २१ गते उम्मेदवारीपित फारम पित बीगु ज्याइवः क्वःछिनातःगु दु।

उगु हे न्हिं उम्मेदवारी मनोनयन दर्ता यायेगु ज्याइवः तयातःगु दुसा उम्मेदवारी मनोनयन नां पिथनेगु ज्याइवः तयातःगु दुसा वयां लिपा उम्मेदवारी मनोनयन दावी विरोध ज्याइवः तयातःगु दु।

वयां लिपा निक्वः खुसी उम्मेदवारी नामावली पिथनेगु ज्याइवः तयातःगु दुसा वयां लिपा नां उम्मेदवार बिउपिसं नां लित कायेगु ई बियातःगु दु। वयां लिपा उम्मेदवारपिनिगु लिपांगु नां धलः पिथनाः लिपांगु नां धलः पिथनेगु ज्याइवः क्वःछिनातःगु दु।

देय् दबुलिइ नेतृत्वया नितिं आःयाम्ह नायः पवित्र बज्राचार्य, न्वकू रश्मला प्रजापति व मूख्याञ्जे सत्यनारायण डंगोलया दावी दु।

तःमुंज्या निर्वाचनया तयारी छखे यानाच्वंगु दुसा मेखे पदाधिकारी निर्वाचन सर्वसम्मत यायेगु तयारी जुयाच्वंगु खँ सीदुगु दु।

नायः पदय् दावी यानादीमह वर्तमान नायः पवित्र बज्राचार्य थःमहं नेतृत्व हस्तान्तरण याये चाहे जूसां नं दबूया जः व हनेबहःपिसं थःत मेगु छगु कार्यकाल च्वनाः ज्या यायेत इनाप यानाच्वंगु धाःगु दु।

शुकथं हे न्वकू रश्मला ल्यं ७ पेजय

## स्यस्यः समाजया १२ क्वःगु स्थापना दिवस



लहना वाःपौ/ नेपालभाषा, संस्कृति व सम्पदाया संरक्षण नापं राज्यय पहुँच व प्रतिनिधित्वया विषययात सशक्त यायेगु नितिं स्यस्यः समाज यलं वंगु शनिवाः १२ क्वःगु स्थापना दिवस हंगु दु।

नेपालभाषा जगेर्ना, संस्कृति, सम्पदाया पहिचानय प्रवर्द्धन यायेत स्यस्यः समाज यल स्थापना जूगु खः। नेवाः समुदायय मुख्य जातिया म्हसिका स्यस्यः समाज दुने श्रेष्ठ, मुल्मी, जोशी, प्रधान, अमात्य, नेम्कुलगायत १ सय ७ स्वयां अप्वः थर दु।

‘भी स्यस्यः, भी नेवाः, भीगु तजिलजि’ धइगु मूल नारां ज्वनाः थीथी ज्याभूवः समुदाय दुने एकताया सन्देश प्रवाह यायेगु समाजया सचिव चन्द्रकृष्ण श्रेष्ठ धयादीगु खः।

सुथय यल दरबार क्षेत्र मंगल बजारं सांस्कृतिक च्याली याःगु खः। उगु च्यालीइ ‘संस्कृति संरक्षणय भीगु अभियान, भीगु संस्कृति, भीगु पहिचान स्यस्यः समाज न्ह्याबलय न्ह्यःने, भीगु मूर्त, अर्भूत संस्कृति संरक्षण याये, नेवाः संस्कृतिया संरक्षण भीगु अभियान’ धइगु थीथी ल्यं ७ पेजय

## सकलसित च्वसुया नितिं इनाप



नेवाः पत्रकार राष्ट्रिय दबूया ग्वसालय वरिष्ठ पत्रकारलिसें भाषा आयोगया दुजः **मा. सुरेश किरण मानन्धर** मदुगु लत्याया पूर्ण्यतिथिइ वइगु बछलाथव पञ्चमी (वैशाख ९ गते) बुधवाः छगु लुमन्ति पौ (स्मृति ग्रन्थ) पिथनेगु ग्वसाः दुगुलिं वयकःलिसे सम्बन्धित छुं नं कथंया लुमन्ति च्वसु दुसा दबूयात थ्व हे चैत्र २६ गते दुने उपलब्ध याकादीत सकलसित इनाप यानाच्वना।

च्वसु दुथ्याकेगु नितिं :

9851098095, 9851099472, 9851165487, 9851123753

nfnj1132@gmail.com





## नेवाः राष्ट्रिय म्ये

चमि : दुर्गालाल श्रेष्ठ लय चिनामि : तिर्थ माली

धुन देने धुन सँन्त्यलं भी फुक्कं हे छम्ह जुइ धुन  
भीगु लागाय भी स्वयं हे जः जुया धुन लुइ धुन  
ह्यांगु भुमिइ अष्टमण्डल ह्यांगु चाः दुने थी नगु  
भीगु नेवाः ध्वाँय् थ्व हे खः ज्यान भी सकस्यां छ्मू  
जातितय् स्वायत्त राज्यं लुइ कपं च्वय् भिलिमिलिं  
राष्ट्र भःभः धाय्क न्त्याके भीगु चःतिं भीगु हिं

## सम्पादकीय

### पूमवंगु प्रतिवेदन

भदौ २३ व २४ या घटना बारे छानबिन यायेत नीस्वंगु जाँचबुझ आयोगया प्रतिवेदन सरकारं सार्वजनिक याये न्ह्यः हे सञ्चार माध्यमपाखे सार्वजनिक जूगु दु। आयोगं प्रतिवेदन लःल्हाःगु न्हि हे सार्वजनिक यायेत दबाब ब्यूगु खःसा सरकारं नं प्रतिवेदन सार्वजनिक यायधकाः धाःगु खः। लिबाक जूसां सरकार हे औपचारिक कथं प्रतिवेदन सार्वजनिकयात धाःसा उकिया आधिकारिकता दइ व सिफारिस कार्यान्वयन यायेगु लँपु चाइ। न्हापा न्हापा जूगु आन्दोलन व घटनाया प्रतिवेदन जनतां ब्वने मखं जेनजी आन्दोलनया प्रतिवेदन जनताया ल्हातय् थ्यःगु दु। जेनजी आन्दोलन लिपा नीस्वंगु पुलांम्ह प्रधानन्यायाधीश सुशीला कार्की नेतृत्वया मन्त्रिपरिषदं असोज ५ गते पुलांम्ह न्यायाधीश गौरीबहादुर कार्कीया संयोजकत्वय् जाँचबुझ आयोग नीस्वंगु खःसा आयोग फागुन २४ गते थःगु प्रतिवेदन प्रधानमन्त्रीयात लःल्हाःगु खः। भदौ २३ गते कर्पुर्णु जारी याये न्ह्यः हे प्रहरी गोली कयेकगुलिइ तत्कालीन प्रधानमन्त्री केपी शर्मा ओली, गृहमन्त्री रमेश लेखक व नेपाल प्रहरीया महानिरीक्षक चन्द्रकुबेर खापुङं पनेगु ज्या मयाःगुलिइ प्रतिवेदनय् मुलुकी फौजदारी संहिताया दफा १८१ व १८२ कथं कारबाही यायेत सिफारिस याःगु खः। अथेहे, तत्कालीन गृहसचिव गोकर्णमणि दुवाडी, सशस्त्र महानिरीक्षक राजु अर्याल, तत्कालीन राष्ट्रिय अनुसन्धान विभागया प्रमुख हतराज थापा व यँया तत्कालीन सीडीओ छविलाल रिजालविरुद्ध दफा १८२ कथं कारबाही सिफारिस याःगु खः। २३ भदौय् विषय सकल नेपाःमितय्सं स्यू खँ जुल। आयोगं कारबाही सिफारिस याइ वा मयाइ धइगु लँ पियाच्वंगु खः। २४ भदौया घटनायात कया यक्व न्ह्यसः ब्वलनाच्वंगु दु। छायाकि, उगु न्हि देय्क्यक छ्मू हे इलय् तोडफोड, मि च्याकेगु नाप आपालं लुटपाटया घटना जूगु खः। उगु न्हि संसद् भवन, सिंहदरबार, सर्वोच्च अदालत, सरकारी कार्यालय, व्यापारिक प्रतिष्ठान नाप आपालं मिडिया हाउसय् मि तयेगु ज्या जूगु खः।

प्रतिवेदनय् आयोगं २४ भदौया घटनाय् दुथ्याःपि मन्तयत्त म्हासिका छानबिन यायेत ई मगाःगु व सिफारिस यायेत माःगु सबुद प्रमाण संकलन याये मफुगु खँ धाःगु दु। आयोगय् अभियुक्तया बारे दुनेथ्यं अनुसन्धान यायेमाः धकाः धाःगु दु। अथे जूगुलि, आयोगया प्रतिवेदन हे अपूर्ण जूगु दु। उकिइ यक्व न्ह्यसःया लिसः बियातःगु मदु। जेनजी आन्दोलनय् ७६ म्हा सीगु दु। उकिइ मध्ये गोली लानाः (आन्दोलनकारी) ५१ म्हा, दाया (प्रहरी) स्वम्ह, च्यानाः (मि च्याना/विस्फोट) गुम्ह, झ्यालं तिन्हुया (भारतीय नागरिक) छम्ह व कारण खुले मज्मूह छम्ह दु धकाः आयोगया प्रतिवेदनय् न्ह्यथनातःगु दु। आयोगं २४ गतेयात कयाः छु निर्णय मया। थुकियानाः प्रतिवेदन पूवं धकाः धाये मछिं।

## मातृभाषा पत्रकारिताया मार्गनिर्देशक



नृपेन्द्रलाल श्रेष्ठ

नेवाः साहित्य, नेवाः गतिविधिया ल्याखं जक मखु नेवाः संचार ख्यलय् नं गबलें ल्वःमके मफैम्ह ब्यक्तित्व खः सुरेश किरण मानन्धर। खय् भाय्या पत्रकारिता नाप नापं थीथी आदिवासी जनजाति व उत्पीडित समुदायया भाषाया पत्रकारिता ख्यलय् नं उलि हे म्हास्यूम्ह खः मानन्धर खः। नेपाःया आदिवासी जनजाति नापं उत्पीडित समुदायया भासं पिहां वयाच्वंगु छ्मू जक न्हिपौ 'नेपालभाषा टाइम्स' न्हिपौ, न्हापा 'सन्ध्या टाइम्स' न्हिपौ खः। उगु पत्रिका सम्पादक जूगु ल्याखं नं मेमेगु भाषाया पत्रकारिता यानाच्वीपिसं नं म्हास्यूम्ह खः सुरेश किरण मानन्धर। नेपालभाषा पत्रकारिताया खँ ल्हायेबलय् ला भन सुरेश किरण मानन्धरया नां मकासे नेपालभाषा पत्रकारित ख्यःया बारे छुं खँ पूवनी मखु।

छापा पत्रकारिता, रेडियो पत्रकारिता, टेलिभिजन पत्रकारितासिं अनलाइन पत्रकारिता यानाच्वीपिं नेवाः पत्रकारपिसं छुं नं कथंया खँ न्येनेमाल धाःसा बाय् नेवाः पत्रकार धकाः न्ह्यःने तयेमाल धायेवं सुरेश किरण मानन्धरयात हे लुमकाः वयाच्वंगु दु। उकिं धायेफइ कि नेवाः संचार ख्यलयय् शसक्त पत्रकार कथं म्हासिउम्ह खः सुरेशकिरण मानन्धर।

वय्कलं नेवाः पत्रकार राष्ट्रिय दबू नीस्वनेगु इलानिसं हे सल्लाहकारया भूमिका म्हाता वयाच्वनादीगु खः। नेवाः पत्रकार राष्ट्रिय दबूया सवालयात कयाः सुनां नं नकारात्मक खँ हल धाःसा उकियात प्रतिकार यायेत लिचिलेगु ज्या मयाइम्ह खः सुरेश किरण मानन्धर। थुकिं नं स्पष्ट जू कि नेवाः पत्रकारतय् संगठित यायेगु नापं नेवाः पत्रकारपिनिगु हक अधिकारया नितीं भूमिका म्हाता वयाच्वनादीम्ह मानन्धर हे खः धकाः। पत्रकार दबूया न्हापागु राष्ट्रिय भेला जूगुलि वय्कलं नेवाः पत्रकारपिं संगठित जुया न्ह्याःवनेमाः धकाः धयादीगु थौं नं लुमनि।

नेवाः पत्रकार राष्ट्रिय दबूया ग्वसालय् न्हापागु मातृभाषा पत्रकारिता सम्मेलन जिगु संयोजकय् २०७५ सालय् नेपाल आदिवासी जनजाती पत्रकार महासंघया ग्वाहालि यँया पर्यटन बोर्डय् जूगु खः। उगु ज्याभूवल्य् २६ गू आदिवासी जनजाति मातृभाषाया पत्रकारपिनिगु ब्वति दुगु खःसा अबले वय्कलं मानन्धरं मातृभाषा पत्रकारितायात कयाः कार्यपत्र न्ह्यब्वयादीगु खः। उगु ज्याभूवः पाखे हे नेपालय् दकलय् न्हापांम्ह मातृभाषाया पत्रकार धर्मादित्य धर्माचार्य खः धइगु प्रमाणित यायेगु ज्या जूगु खः। अथेहे बिस २०७५ सालय् निक्वःगु न्हापांगु

मातृभाषा पत्रकारिता सम्मेलन यँया भिभा बैक्वटय् जुगु खः। अबलय् नं वय्कलं मातृभाषा पत्रकारिता कयाः छ्मू कार्यपत्र न्ह्यब्वयादीगु खः। उकिं मातृभाषा पत्रकारिताया सवालय् स्पष्ट दृष्टिकोण तयादीम्ह नापं पत्रकारिता ख्यलय् भाषिक समवेशीतायात कया बिचाः तयादीम्ह मातृभाषा पत्रकार सुरेश किरण मानन्धर खः धकाः सकलसिं थुइकूगु खः।

जि नेवाः पत्रकार राष्ट्रिय दबूया नायः जुयागु इलय् वरिष्ठ पत्रकार सुरेश किरणं जितः न्यनादिल कि 'पत्रकार दबू न्ह्याकेगु छु योजना दु ?' धकाः। उगु इलय् जिं मातृभाषा पत्रकारितायात कयाः छ्मू अन्तर्राष्ट्रिय सम्मेलन यायेगु योजना दु धकाः लिसः बिया। अले हाकनं वय्कलं धर्मादित्य धर्माचार्य बुद्ध धर्म पत्रिका प्रकाशन याःगु सच्छिदं दुगु लसताय् धाःसा अभ् बालाइ धकाः सुभाब नं बियादीगु खः। वय्कलं हे सल्लाह सुभाब व ग्वाहालिं नेवाः पत्रकार राष्ट्रिय दबुपाखें निक्वः तक अन्तर्राष्ट्रिय मातृभाषा पत्रकारिता सम्मेलन यायेत ताःलाःगु खः।

नेवाः पत्रकार पत्रकारपिनिगु न्हापांगु राष्ट्रिय भेला २०६९ माघ निसे वंगु २०८२ मंसिर १९ व २० गते धादिङ्गया जिवनपुरय् जूगु नेवाः पत्रकार राष्ट्रिय दबूया न्याक्वःगु पुर्ण बैठकय् तक वय्कलं सक्रिय ब्वति दुगु खः। वय्कलं गुगु कथं खँ तयादी, सुभाब बियादी धकाः हरेक ज्याभूवल्य् वय्कलं सुरेश किरणया खँ न्येनेत पत्रकार दबूया ज्यासना पुचः वा मेमेपिं दुजःपिं जक मखु अन ब्वति कयादीपिं मेमेपिं नापं स्वयं मेमेपिं सल्लाहकारपिसं तकं पिया च्वनीगु खः। उकिं नेवाः पत्रकार राष्ट्रिय दबूपाखें सकलसिगु साभा ब्यक्तित्व माले मालेवं व पत्रकार दबूया बारे सुयात नं कन्स्प्यूज जुल धाःसा थुइकेगु नितीं नं जिमिसं सुरेश किरण मानन्धरयात हे लुमकाः न्ह्यःने तयेगु याना वयाच्वनागु खः।

नेवाः पत्रकार राष्ट्रिय दबू नापं थीथी खलः पुचःतपाखें तकं पत्रकारिता ख्यलय् ज्वःमदुगु योगदान यानादीगुलिं वय्कलं सुरेश किरण मानन्धरयात थीथी सिरपाःनिसं हना ज्याभूवः याये थुइकूगु दु। वय्कलं सुरेश किरण मानन्धरलिसे सहलह जूगु कथं नेपालभाषा पत्रकारिता सच्छिदं दँयागु सफू पिथनेगु म्हासः पूवंगु मदुनि। वय्कलं नेपालभाषाया पत्रपत्रिका, अनलाइन, रेडियो नाप टेलिभिजनया इतिहास पिकाये माःगु धकाः धयादीगु खः। सफू तयारी यायेगु नितीं थःम्ह कुतः याये धकाः धयादीगु खः। थ्व खँ पूवंगु मदुनि। वरिष्ठ पत्रकार सुरेश किरण मानन्धर वंगु फागुन २५ गते आकाशका मदुगु खवर वःगुलिं अज्वःगु महत्वपूर्णगु ज्या पूवंगु मदुनि। वय्कलं मदुगुलिं नेवाः पत्रकारपिं नापनापं सकल मातृभाषा पत्रकारिता यानादीपिसं तकं तसकं दुःख तायेकूगु दु। वय्कलं मातृभाषा पत्रकारिताया मार्ग निर्देशक मखु धकाः सुं नं मातृभाषा पत्रकारिता यानाच्वीपिसं धायेफइगु अवस्था मदु।

वय्कलं मातृभाषा पत्रकारितायात कयाः भाषा आयोग व आम संचार विभाग नाप सहकार्य याना न्ह्याःवनेमाः धका सुभाब बियादीगु खः। वय्कलंया सुभाबयात पूवकेगु नितीं सकल नेवाः पत्रकार, मातृभाषाया पत्रकार नापं भाषा आयोग व आम संचार विभागयापिं जानाः वनेमाःगु अवस्था दु।

निक्वःगु अन्तर्राष्ट्रिय मातृभाषा पत्रकारिता सम्मेलन यायेत्यनागु दु उकिया नितीं छ्मू नारा बीमाली धकाः वय्कलंयात नाराया बारे बिचाः यानादिसं धकाः जिं इनाप यानागु खः। वय्कलं बीगु नारा ज्वनाः हे मातृभाषा संरक्षणया नितीं पत्रकारिता धइगु नारा बियावंगु २०८२ जेष्ठ ३० व ३१ निन्हुयकं निक्वःगु अन्तर्राष्ट्रिय मातृभाषा पत्रकारिता सम्मेलन पत्रकार दबू नं यायेत ताःलाःगु खः। मातृभाषा नं पत्रकारितापाखे संरक्षण यायेगु धइगु वय्कलंया बिचारं हे उगु नारा बियागु खः। न्हापा साहित्यपाखे जक मातृभाषाया बहस जुयाच्वंगुलिइ भी पत्रकारतय्सं नं मातृभाषा संरक्षण यायेगुलि पलाः न्ह्याकेमाः धकाः वय्कलं धयादीगु थौं नं लुमसे वः।

वय्कलं बिस २०४६ सालया जनआन्दोलनय् "बिश्वभूमि न्हिपौ" पत्रिकाय् ज्या याःगु इलय्या अनुभव कथं छ्मू शोधपत्र तयार जूगुयात सफू कथं प्रकाशन यायेगु खःला धकाः जिमित न्यःगु खः। निक्वःगु मातृभाषा पत्रकारिता सम्मेलन यायेत वय्कलंया ज्याकुथि भाषा आयोगय् जि व पत्रकार दबूया वरिष्ठ न्वकु सुनील महर्जन नापं वनागु इलय् छु छु ज्याभूवः तःसा जिइ धकाः न्यनागु इलय् वय्कलं त्रिभुवन बिश्वविद्यालय, मानबिकी तथा सामाजिक शास्त्र संकायअन्तर्गत नेपालभाषा स्नातकोत्तर तर्गिं निगूगु दँ, भिगुगु पत्रया ऐच्छिक पाठ्य परि पूर्ति यायेत तयार यागु शोधपत्रयात छ्मू सफू कथं पिकायेगु खः धका जितः न्यंगु खः। वहे शोधपत्र उगु ज्याभूवल्य् पुलांम्ह सभामुख देवराज घिमिरेया मूपाहांसुइ वय्कलं यानादीगु शोधपत्र "२०४६ साल जनआन्दोलनय् बिश्वभूमि न्हिपौया भूमिका" सफू पिथनेगु ज्या नेवाः पत्रकार राष्ट्रिय दबूपाखे जूगु खः। सम्भवत वय्कलंया दकलय् लिपांगु सफू जुइ।

वय्कलं धयादीगु छ्मू खँ थौं नं लुमकाच्वना "भाषा पिकास यायेत ब्यवस्था हिला जक नं जुइमखु। फीसं पंचायती ब्यवस्थाय् भाषा दमनयात धकाः आन्दोलन याना, बहुदलीय ब्यवस्थायया नितीं ल्वाना। वयालिपा प्रजातन्त्र वल थौं संघीय लोकतान्त्रिक गणतन्त्र वःगु दु। हलिमय् बांलाःगु धकाः दावी याःगु संविधानसभां जारी याःगु वर्तमान संविधानय् नं मातृभाषा विकासया नितीं सः थ्वयेके मालाच्वंगु दु भाषाया नितीं ल्वाय् मालाच्वंगु दु। ब्यवस्था हिलाः जक भीगु भाषायात सरकारं स्वइगु मिखा हिलीमखु' धयादीगु थौं नं उलि हे सत्य जुयाच्वंगु दु। वय्कलं मातृभाषा पत्रकारितायात कयाः क्यनादीगु लँपुइ पत्रकार दबू न्ह्याबलय् न्ह्याःवनी



# डतभुलु अजिमाया



या प्याखंच्या छगू लू

विषा : नृपेन्द्रलाल श्रेष्ठ

लक्ष्मी

२०८२ चैत्र १७ मंगळवाः



## कम्पोजिटरनिसैं भाषा आयोगया सदस्य तकया यात्रा



निर्मल बज्राचार्य

### चिकिचा रवःगु बलया करामत

सुरेश गुग् कक्षाय ब्वनाच्वंगु इलय लहातं लहातं बलं कयेकाः छू चुक्य म्हिताच्वंगु इलय पासायात बलं कयेकू बल पासायात मलासे आखः कम्पोज यानाः पानातःगुलिइ लाः वनः म्हःया अग्रेजी आखः a,b,c,d छ्यालब्याल जुल । The Motherland नांया उबलय नांदंगु छू पत्रिकाया पेज छापे यायेत कम्पोज यानातःगु थुभनं छ्यालब्याल जुगु खनाः सुरेशयात त्याप्प ज्वनाः ब्वः बिल 'का जि न्हापा गथे यानाः कम्पोज यानातयागु खः अथे हे या' धकाः लहातं च्वयातःगु अंग्रेजी आखः क्यनाः धर्ना च्वनाः हे पूर्वके बिल । छेव ग्याः चिकु मेखे न्हूगु व नं म्हगस्य तकं मखनीगु ज्या यानाच्वंगु अनुभव सुरेशं यात । थ्वखे द्विविधं कथं यायेमाःगु ज्या हे लिपा वनाः कर्म क्षेत्र हे जुयाबिल । थ्व छू वया जीवनया न्हापांगु turning point साविल जुल ।

### मेगु Turning Point

२०४१ सालपाखे थाय्मदुइ च्वनादीम्ह मल्ल के. सुन्दरया नेपालभाषाया अतिकं लोकंहवाःगु वाःपौ इनापया नितीं कम्पोजिटर जुयाः हे छुं ई तक ज्या यात । कम्पोजिटर जुयाः ज्या याना च्वंबलय पत्रिकाय छापे जुइगु सकतां थम्हं हे कम्पोज याइम्ह जूगुलिं वयात नं थःगु खँ थम्हं च्वयाः मेपिनिगु नामं पिथनेगु ज्या यात सुरेशं । सिंयागु पौद्यामय मेपिसं च्वयाः क्वफाः थें थम्हं च्वयेमास्ति वःगु सुभाव बी मास्तिवःगु खँ भ्वं छकुलिइ च्वयाः नां मेगु हे तयाः थम्हं क्वफाइ । अले मल्ल के. सुन्दरयात 'का फलाम्हेस्यां थथे धकाः च्वल, थ्व कम्पोज याये ला ?' धकाः न्यनाः थःगु बिचाःयात बिनामं कम्पोज यानाः छापे यायेगु यात । लिपा तिनि थ्व च्वयेगु ज्या सुरेशं हे याःगु धकाः सीकल मल्ल के सुन्दरं । वयाके थज्याःगु प्रतिभा सुलाच्वंगु खनाः इनापया 'हे मस्त दैँ दैँ' स्तम्भ थःगु

हे सककली नामं च्वयेत थाय् बिल, अले सुरेशया च्वसा न्ह्याःगु न्ह्यातं जुल । थ्व सुरेशया निगूगु turning point जुल । 'हे मस्त दैँ दैँ' स्तम्भ जि स्वयम्यात नं २०४१ सालनिसैं च्वमि दयेकल, विकासमान जः, (थौकन्ह्यु डा. योगी विकासानन्द), शरद कसाः, सुजिव वज्राचार्ययात नं स्थापित च्वमि कथं जन्म बिगु जुल । गबलय निसैं सुरेशया जागीर न्ह्यात ।

### पत्रकारिताया यात्राय सुरेश

लोकंहवाःगु इनाप वाःपौ पिहां वयेगु दिना वन । थुक्रिया मगाः मचाः पूर्वकेत मल्ल के. सुन्दरया विशेष पहलं 'विश्वभूमि न्हिपौ' नेवाः भासं पिदन । थ्व पत्रिका रत्नकमल वैद्यपिसं खस नेपाली भासं पिथना वयाच्वंगु न्हिपौ खः । थुक्रियात हे सिडिओ कार्यालय दर्ता यानाः नेवाः भासं पिथनेगु ज्या जुल । अशोक श्रेष्ठ 'सम्पादक, सुरेश व वया अति मिलेजूम समकालीन पासा सुजिव वज्राचार्य सम्पादक मण्डलय च्वनाः तःदैँ तक हे ज्या यात । इनापय २०४१ सालय 'हे मस्त दैँ दैँ' स्तम्भया नितीं छू लेख च्वयेमास्ति वयाः च्वया । उक्रियात मल्ल के. सुन्दरयात क्यना वयकल बांलाः धकाः छापे याना बिल । जिगु जीवनय दकलय न्हापां जिगु नां पत्रिकाय छापे जूगु स्वये खन । वयां लिपा च्वच्चं वना । इनाप दिनावन । 'विश्वभूमि' पिलु वल । उकी नं च्वये मास्ति वयाः यैँ च्वंगु केलत्वाःया ताः हाकःगु गल्ली ध्याकुंचाय च्वंगु ज्याकुथिइ वनाः वासः सम्बन्धी लेख छु वनेगु इवलय सुरेश व सुजिव नाप लात । सुरेशं जितः धाल 'का निर्मल, आः स्तम्भ कथं वासः सम्बन्धी लेख च्वयेमाली, दकलय न्हापां थ्व लेखया प्रतिक्रिया गथे वइ स्वये' धकाः धाःगु आः तक लुर्मान ।

अबलय जितः सुजिव नं छू गुण याःगु दु । 'लेख निरन्तर च्वयेत साभार सामग्री माली, जिं इन्डियां सिसाबुसाया फाइदा बारे च्वयातःगु चीचीधंगु सफूचा न्याना बी, उकिं छन्त अःपुइ' धकाः धाःगु नं आः तक लुर्मान । खयत ला जि सिबे न्ह्यःया स्वंगु पुस्ता हे आयुर्वेद वासःया ज्या याना वयाच्वीपं खः । अयनं उगु सफुर्ति नं ग्वाहालि यात । नेपालभाषाया खल्य ज्या यानाः उबलय वाःया छकः छापे जुइगु स्तम्भया नितीं ५० तका बीगु याः । थुक्रथं जिं लय निसः तका विश्वभूमि पाखे तलब कयागु दु ।

सुरेश मानन्धरया नां सुरेश मखु सुरेशया धाथेया नां सुरेश मखु ।

किरण मानन्धर खः । नेपाल आदर्श माध्यामिक विद्यालय, गणबहालय २०३० सालय भर्ना याःबले किरण मानन्धरयात थाय् मडु धकाः भर्ना कायेत माने मजू । थाय् खाली मडु धकाः । उबलय अन भर्ना जुइत थाकु । न्हूमह भर्ना कायेत थाय् मडु, सुरेश मानन्धर (वया चमाया काय्) धाःम्ह मचा स्कुल त्वःताः थें च्वं, वया हे नामं भर्ना यायेगु सा यायेफइ धकाः धाःबलय मानन्धर ला मानन्धर हे खः । ज्यू ज्यू सुरेश मानन्धरया नामं हे भर्ना यानादिसैं धकाः धाःगुलिं किरण मानन्धर सुरेश मानन्धर जू वन । तर छैँय सकसियां सःतीगु नां किरणयात वं त्वःते हे मफयाः किरण मानन्धर गबलें सुरेश किरण धकाः च्वयेगु यात । सुरेश किरणयात नं चीहाकः यानाः 'सुकि' धकाः नेवाः भाय् जक मखु खस नेपाली भाषाया थीथी नां दंगु पत्रिकाय ध्याचुत च्वयाः थःत सुकि धकाः म्हसिकेत ताः लात । जिं वयात इलय ब्यलय हायेकेगु याना 'अय सुकि छ न्ह्याबले सुकि हे जुइगु ला मोहर, तका गबले जुइगु ।' जि नं नेपाल आदर्शय २०३० सा पाखे हे छू क्लासय भर्ना जुयाः सुरेश थें अन हे एसएलसी पास यानागु खः । तर विडम्बना व जिमि मचाबलययाम्ह पासा धकाः २०५० सालपाखे तिनि सिल ।

### नेपालभाषा न्हिपौया योद्धा

विश्वभूमिया सम्पादक मण्डलय च्वनाः पोख्त जूम सुरेश 'सन्ध्या टाइम्स' न्हिपौया सम्पादक जुयाः हे पिलु वल । सुर्थानिसैं बहनी तक अभ उलि जक नं मखु चान्ह्यु १/२ बजे तक नं खस नेपाली भाषाया न्हिपौ व वाःपौया नितीं थीथी स्तम्भ सुरेश किरण, सुरेश मानन्धर व सुक्रिया नामं च्वयेगु यानाः उखेपाखे नं स्थापित नां हे जुइत सफल जुल । 'सन्ध्या टाइम्स' व विश्वभूमिइ दत्तचित्त जूगुलिं गुलिखें राष्ट्रिय दैनिक पत्रिका व साप्ताहिक पत्रिकाय सम्पादक जू वा धकाः तसकं बांबांलाःगु अवसर नं अल्याख हे वःगु खः । तर 'जि उखे वन कि जिगु भाय्या पत्रिका दिनावनी' धकाः वनी हे मखु । सन्ध्या टाइम्सया टिमं नं दाई उखे भासं थुखे जिमिसं स्वयेधाःसां वया मनं हे मबिउ । थःके अल्याख आर्थिक समस्या दुसां ध्यबा अप्वः वइ थाय् व गुलबे वनेगु बिचाः तक नं मयाः । सन्ध्या टाइम्स नं छु गथे जुयाः दिना वन । हानं थित्यु थिउ 'नेपालभाषा टाइम्स' या नामं वया हे सम्पादकत्वय नेवाः भाय्या न्हिपौ पिदन ।

### वाल्य निहु हेतौडाय थ्यनी

विश्वभूमिया सम्पादक जुयाच्वंगु इलय यें देशं पिने नं नेपालभाषाया वाःपौ पिथनेमाः धकाः हेतौडा वाःपौ धकाः पिथनेगु ज्या यायेत हेतौडाय हरेक वाल्य निहु तक थ्यकाः माःकथं सम्पादनया ज्या क्वचायेकाः प्रेसय छ्वयाः जक लिहां वयेगु याइ । लिपा इमेल वयेधुंकाः मेलय तुं सम्पादन यानाः छ्वयेगु यात ।

### ख्यालःया न्हूगु पुस्ताया च्वमि

नेपालभाषाया ख्यालः विधाय त्रिमूर्ति कथं रामशेखर नकःमि, श्रीकृष्ण अणु व पद्मरत्न तुलाधरयात कायेगु याः । थ्वयां लिपाया पुस्ता कथं पिलुवल सुरेश किरणया नां । खसी नांया ख्यालःपाखें न्हाप सिरपाः हे त्याकूगु दु । मदनकृष्ण हरिबशया रेडियो प्रहसन मह अदालत व टेलिसिरियल मह चौतारिया नितीं धिसिलाःम्ह प्रहसन च्वमि जुयाः थःगु नां जहां थीकल । मल्ल के. सुन्दरया धापू कथं उस्त नवायेम्वाःम्ह सुरेश धाइ तर, जिगु संगत कथं व नाप लात कि ख्याः खँ मज्जु रेकर्ड हे मडु । ख्यालः विधाय सुरेश किरणया नाःजागुलिं थिमिया धिसिलाःम्ह ख्यालः च्वमि व संस्कृतिविद् गणेशराम लाछिं नेवाः भासाय ख्यालः च्वमि व संस्थाया अभाव जूगुलिं ख्यालिगुलि गुथि धकाः नीस्वनेगु ज्याय सुरेशया योगदान नं यक्व दु । ख्यालः विधा व संस्थायात आर्थिक कथं गुकथं बल्लाकेगु धकाः हिसिलाकक योजना दयेकेगु ज्या यानाः क्यन । भाषा आयोगया दुजः जुइधुंकाः पदय च्वनाः ज्या याये मज्जुगुलिं स्वला ति न्ह्यः जूगु न्हूधालय सुरेश ख्यालिगुलि गुथिया सल्लाहकार कथं च्वनेगु ज्या यात ।

### नांजाःम्ह आधुनिक कवि सुरेश

सुरेशं ख्यालः व ध्याचु जक मखु कविता च्वइगु नं उलि हे स्याचु । नेपालभाषाया कविताय उत्तर आधुनिक काव्य प्रवाहायात छ्यलाः नेवाः भाय्या कवितायात न्हूगु आयाम बीगु ज्या नं याःगु दु । उलि जक मखु, कविता विधायात कालान्तर तक जीवन्त यायेत व कवितयत संगठित यायेत संस्थाया नं आवश्यकता महसुस यानाः नेपालभाषाया कविता दबू व लिजः नेपालभाषा कविता दबू थेंज्याःगु संस्थाया संस्थापक दुजःया भूमिका नं भिहतेगु ज्या यात ।

स्थानीय निकायय नेवाः भाय् छ्यलेमाः धाइम्ह सुरेश

स्थानीय निकायय सरकारी कामकाजी भाष कथं नेवाः भाय्यात छ्यलेगु निर्णय याकेत नेवाः वडा अध्यक्षपित नगरसभाय उगु प्रस्ताव पारित यायेत लबिड यायेगु ज्या अहम भूमिका हितेगु ज्या यात सुरेशं । केशव स्थापित मेयर जूबलय याःगु उगु पहलं थौकन्ह्यु नेवाः भासं यें महानगरपालिकां नेवाः भासं आखः ब्वकेगु भाला तक कायेगु अवस्था सिर्जना जुल । स्थानीय थाय्या बारे नेवाः भासं आखः ब्वकेत पाठ्यक्रम दयेकेगु निसैं १७२ म्हेसित नेवाः स्यनामि कथं ज्या यायेगु ह्वःताः चूलाःगु दु । थुक्रिया अनुशरण यल महानगरपालिकां नं यानाहःगु दु । केवश स्थापितं शुरु याःगु नेवाः भाय् छ्यलाबुला विद्यासुन्दर शाक्यं वयां लिपा तत्कालीन मेयर बालेन्द्र शाहं तक नं कार्यान्वयन यानाच्वंगु दु । थ्व सुरेशया दुरदर्शी बिचारया उपलब्धी खः ।

### भाषा आयोगया माननीय

प्रचण्ड सरकारया इलय २०८१ सालय संवैधानिक निकाय भाषा आयोगया सदस्य पद छू प्वनाच्वंगु, उगु पदया नितीं अतिकं पायुछिम्ह मनु कथं सुरेश मानन्धरयात मल्ल के. सुन्दर (थौकन्ह्यु वयकः नेपालभाषा एकेदेमीया चान्सलर) या पहलं उगु पदय बहाली याकेत सफल जुल । थुक्रथं जि स्कूलया पासा सुरेश मानन्धर माननीय सुरेश मानन्धर जुल । सरकारी निकायय जागीर नयाः राज्यमन्त्री सरह तलब सुविधा कायेधुंकाः मेथाय गनं नं गुगुं नं पद च्वनाः ज्या याये मडुगु नियमं यानाः तसकं थाकूगु अवस्थाय नेपालभाषा टाइम्सया सम्पादक पदं राजीनामा बियाः सहसम्पादक तेज महर्जनयात सम्पादक याना थकल । अथे खःसां जागिर नये न्ह्यः व धुंकाःया दक्व ई नेपालभाषा टाइम्सय हे बीगु यात ।

### अतिकं सहज मून्ववरण

भाषा आयोगय छन्हु विदा काल सुरेशं थः भिन्चा पितबीगु नितीं तर, नेपालभाषा टाइम्सया ज्याय उलि हे च्यूताः तयाः थीथी मनूतयत थीथी कथं निर्देशन बीगु ज्या यानाः भिन्चा पित बीत स्वचाः चाःहुइकेत भिन्चाया ल्हाः ज्वज्वं स्वचाः चाःहिले सातके हे भाराकक दल । पाजुया भूमिका निर्वाह यायां निर्वाण प्राप्त यात सुरेशं । सकसित अति यःम्ह छ सुरेश छःयात नं अति हे यल जुइ उकिं ला छन्त छःया थाय् यंकल ....



## Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्याटरिङ पनि गरिन्छ ।

हरेक मंगलवाः  
राष्ट्रियताको लागि समर्पित



## मेरो साप्ताहिक

मन्त्रा\_साप्ताहिक Mero Saptahik

मालाः मालाः ब्वनादिसैं ।

## सांसद शाक्ययात संगं बियाः भिन्तुना देछात



लहना वाःपौ/प्रतिनिधिसभा समानुपातिकपाखें सांसद जुयादीम्ह ई. दुजःया निर्वाचनयुक्त निकाय एमालेया कुलभक्त शाक्ययात नेपाल परम्परागत

बौद्ध धर्म संघ, कान्तिपुर शाखापाखें ख्यै संगं बियाः भिन्तुना देछागु दु ।

ज्याइवः गुणाकर महाबिहार, छुस्याबहालयु शाखाया नायः राजगुरुजु मञ्जुश्री रत्न वज्राचार्यया सभापतित्वयु व नेपाल बज्रयान महाबिहार लुम्बिनीया श्रद्धेय चक्रेश्वर गुरुवर प्रा.डा. नरेशमान वज्राचार्य व माननीय सांसद डा. अन्जान शाक्यया पाहाँसुई न्ह्याःगु खः ।

## राष्ट्रिय रक्तदाता दिवस हन

लहना वाःपौ/ब्लोदानं ११ क्वःगु राष्ट्रिय रक्तदाता दिवस हन । ब्लड डोनर्स एसोसिएसन नेपाल (ब्लोदान) या ग्वसालयु ११ क्वःगु राष्ट्रिय रक्तदाता दिवस नापं हना ज्या जुगु खः ।

ज्याभूवलयु मूपाहाँ ब्लोदानया संरक्षक नाप नेपाल मिडिया एलायन्सया अध्यक्ष भाष्करराज राजकर्णिकारं छुगु ज्याभूवःया दथुइ उलेज्या यानादीगु खः ।

ज्याइवलयु वरिष्ठ सल्लाहकार नाप सल्लाहकार समितिया संयोजक सूर्यकुमारी श्रेष्ठ, नेपाल रेडक्रस सोसाइटीया महामन्त्री मीनबहादुर मल्ल, ब्लड डोनर्स अफ अमेरिका (बीडीए) या अध्यक्ष महेश्वर पन्तं नुगः खँ तयादीगु खः ।

ब्लोदानया पूर्वअध्यक्ष स्व. महेश्वर बिलास जोशीयात ब्लोदानया ज्वःमदुगु योगदानया कदर यासैं मरणोपरान्त सम्मान याःगु खः ।

ज्याइवलयु ख्वप १ यु सांसदयु निर्वाचित जुयादीम्ह रुकेश रजित नापं ३० गु संघ संस्थायात हंगु खः ।



ब्लोदानया अध्यक्ष राजेश श्रेष्ठया सभाध्यक्षतायु जुगु ज्याभूवलयु थीथी संघसंस्थाया प्रतिनिधि, स्वयंसेवी रक्तदाता नाप नेपाल रेडक्रस सोसाइटीया महामन्त्री मीनबहादुर मल्ल, ब्लड डोनर्स अफ अमेरिका (बीडीए) या अध्यक्ष महेश्वर पन्त विशेष अतिथि नाप ब्लोदानया संस्थापक, सल्लाहकार समितिया संयोजक नाप नेपाल रेडक्रस सोसाइटी केन्द्रीय कार्यसमितिया सदस्य सूर्यकुमारी श्रेष्ठ, ब्लोदानया संस्थापक

नापं पुलांम्ह महासचिव भूपणलाल श्रेष्ठ, इन्टरनेसनल नेपालिज ब्लड डोनर्स एसोसिएसनया केन्द्रीय उपाध्यक्ष डा. मनिता राजकर्णिकार, ब्लोदानया निवर्तमान अध्यक्ष ई. सानुबाबु प्रजापति, परोपकार प्रसूति नापं स्त्रीरोग अस्पताल रक्तसञ्चार सेवाया प्रमुख परशुराम दाहाल, ब्लोदानया वरिष्ठ सल्लाहकार नाप ब्लोदान जिल्ला शाखाया अध्यक्षतयुगु ब्वति दुगु खःसा ब्लोदानया महासचिव मचाकाजी महर्जनं ज्याभूवः न्ह्याकूगु खः ।

## संस्कृतिकःमि सञ्जयकुमार श्रेष्ठयात 'सूर्यनारायण पुरस्कार'



लहना वाःपौ/ म्याग्दीया संस्कृतिकःमि सञ्जयकुमार श्रेष्ठयात 'सूर्यनारायण पुरस्कार' लःल्हाःगु दु । सूर्यनारायण पुरस्कार संस्थापाखें वंगु शनिवाः बेनीइ ग्वसाः ग्वःगु ज्याइवलयु अग्रज कलाकार धनकुमारी थापा व संस्थाया नायः सुवर्णकुमार श्रेष्ठ संस्कृतिकःमि श्रेष्ठयात २५ द्वः दां व

कदरपत्र लःल्हानाः दोसल्ला न्ययेकाः हंगु खः ।

समाजसेवी सूर्यनारायण श्रेष्ठया लुमन्तिइ वयुक्तःया छँजःपिसं स्थापना याःगु संस्थां निदँयु छकः नेपाली लोक संस्कृति, कला व साहित्यया श्रीवृद्धि यायेत योगदान ब्यूपिं म्याग्देलीपित उगु पुरस्कार देछाना वयाच्वंगु खः ।

विसं २०८२ या पुरस्कार श्रेष्ठयात लःल्हाःगु खः । मद्दिक् न्यागु दशक तक म्ये, सङ्गीत व नृत्यकलायु तसकं लगाव तयाः लिसें साहित्यया माध्यमं समाजयु बियादीगु योगदान कथं पुरस्कृत याःगु पुरस्कार छनोट समितिया कजि कृष्णप्रसाद श्रेष्ठ कनादिल ।

बेनीया पुलांगु सांस्कृतिक पुचः 'दोभान ब्यान्ड' या दुजः श्रेष्ठं न्ययुगुगु दशकयु 'रेल पुगो बम्बैमा', 'भेट भयो सलल' यु स्वराङ्गन यायेगुलिसें 'जिस्की नहिँड' पप म्यैया एल्बम बजारयु हयादीगु खः । सम्मान र ताली (कथा सङ्ग्रह २०७२) व तिग्रै यादमा (गीत संग्रह २०७८) पिकयादीम्ह श्रेष्ठं वंगु १२ दँ थुखे नेपालभाषा मंकाः खलः म्याग्दीया सांस्कृतिक कजिया भाला कःधानाः वयाच्वनादीगु खः ।

## पूर्वप्रम ओली ....

निर्णय यायेमाःगु खँ वयुक्तलं धयादीगु दु । लिसे वयुक्तलं थम्हं हे अनुसन्धान यानाः द्वपं बीगु थम्हं हे उकियात पुष्टि यायेगु कथं जुगु अनुसन्धान हे कानुनी प्रक्रिया अःखः जुगु धासैं धयादिल, 'न्हापा हे दृष्टिकोण दयेकाः न्ह्याकूगु पलाः खः । छायु पूर्वाग्रह तयाः आयोग नीस्वन, पूर्वाग्रह तयाः आयोग प्रतिवेदन तयार यात, अले आः वयाः पूर्वाग्रह तयाः ज्वनेगु ज्या यात, गृहमन्त्री थःहे चछि ब्वायु जुयाः ज्वनेगु ज्यात । थ्व फुक्कं प्रक्रिया कथं जुगु मखु ।'

अथे हे ओली लेखकयात प्रहरीं ज्वंगु खँयात कयाः पुलांम्ह महान्यायाधिवक्ता अग्नि खरेलं सरकारया पलाः पूर्ण रुपयु गैरकानुनी व प्रतिशोधपूर्ण जुगु खँ धयादीगु दु ।

वयुक्तलं कानुनी प्रक्रिया कथं जुइमाः थायु गलत ज्या जुगु धासैं निष्पक्ष आयोग नीस्वनेमाःगु, निष्पक्ष अनुसन्धान जुइमाःगु, दोषी खनेदत धाःसा दोषीयात कारबाही यायेमाःगु धासैं धयादिल, 'जरूरी पत्राउ पुर्जा छायु जारी जुल ? छु बिसिउं वनेत्यंगु खः ला ? बिसिउं वनी न्हिं, जिं मज्वसे मजिल धकाः ज्वंगु खः ला ? अथेजुयाः ज्वनेगु फुक्कं प्रक्रिया हे प्रतिशोधपूर्ण दु धइगु खनेदु ।'

उकथं हे सविधानविद आचार्य २४ गतेया घटनायात कयाः नं निष्पक्ष छानबिन जुइमाःगु खँ धयादीगु दु ।

वयुक्तलं २४ गते नं मनू सीगु व आपालं धनजनया क्षति जुगु दु धासैं उमित न्याय बीमाःगु खँ धयादीगु दु । वयुक्तलं अनुसन्धानया इवलयु कार्की आयोगं २४ गतेया घटनायात वेवास्ता याःगु द्वपं बियादिसैं धयादिल, 'अनुसन्धान यायेगु कार्यक्षेत्र ला २४ गतेया घटनायात कयाः नं खः नि मखुला ? तर ग्वःले अनुसन्धान जुगु ?'

उकथं हे राष्ट्रिय प्रजातन्त्र पार्टी (राप्रपा) या नेता कमल थापां बालेन साह नेतृत्वया सरकार निषेध, प्रतिशोध व पूर्वाग्रहया लँपुइ वंगु टिप्पणी यानादीगु दु ।

वयुक्तलं सामाजिक सञ्जालयु च्वयादीगु दु, 'सुशासन व आर्थिक समृद्धिया लक्ष्य सहित नीस्वंगु बालेन सरकार निषेध, प्रतिशोध व पूर्वाग्रहया लँपुइ वंगु खनेदु । वर्तमान इलयु द्वन्द्व व मुठभेड सुयां प्राथमिकता जुइ मजिउ । सुशासन व समृद्धिया निर्ति कानुनी राज्यया पालना, थवंथवयु मेलिमिलाप व एकता हे न्हापांगु सर्त खः ।' एमाले अध्यक्ष केपी शर्मा ओली व काँग्रेस नेता लेखकयात

ज्वंगु विरोधयु एमाले न्हिथं विरोध प्रदर्शन यायेगु ज्या यानाच्वंगु दुसा देयुन्यंकया जिल्ला प्रशासन कार्यालयपाखे सरकारयात विरोध पौ बीगु ज्या नं जुइधुंकुगु दु ।

## नेवाः देयु दबूया ....

प्रजापति श्रेष्ठ थःगु उम्मेदवारी छायु धयागु कावासोतीइ जुगु उलेज्याया इलयु हे स्पष्ट याये धुनागु धयादिसैं देयु दबूयात पायुछि ढंगं न्ह्यज्याकेगु निर्ति थः न्ह्यःने वयागु खँ तयादीगु दु । नायः पदया मेम्ह दावेदार मूख्याञ्जे सत्यनारायण डंगोलं खलःपुचःतयु देयु दबूप्रति ब्वलनाच्वंगु असन्तुष्टी चीकेगु निर्ति पहल यायेगु धयादीगु दु । वयुक्तलं नेवाः संस्कृति बाजागाजा जात्रापरवयु थानाः न्ह्यइपुकेगु जक मखु, थुकियात आर्थिक उपार्जनया माध्यम दयेकेत कुतः यायेगु नं धयादीगु दु । तःमुँज्यायु अध्यक्ष पदया निर्ति स्वमहेस्यां दाबी यानाच्वंसां नं सर्वसम्मत यायेगु निर्ति देयु दबूया संरक्षकपिं मल्ल के. सुन्दर, नरेश ताम्राकार व डा. पुष्पराज राजकर्णिकारं कुतः यानाच्वंगु खँ सीदुगु दु ।

## स्यस्यः समाजया ....

सन्देश दुगु प्लेकार्ड ज्वनाः च्यालीइ ब्वति काःगु खः । समाजया अध्यक्ष नवीनमंगल जोशीं नेवाः समुदायया हकहित, भाषा, संस्कृति व पहिचानया संरक्षण नाप राजनीतिक अधिकार कायेगु निर्ति समाज निरन्तर सक्रिय जुयाच्वंगु खँ धयादीगु दु ।

मूपाहाँ पुलांम्ह प्रधानन्यायाधीश कल्याण श्रेष्ठं समाजं नेवाःतयुत छपुँ छथि यानाः भाषा, संस्कृति व अधिकारया मुद्दायु सशक्त भूमिका म्हितेमाःगु खँयु बः बियादीगु दु । वयुक्तलं थुगु इलयु समुदायया मंकाः एजेण्डा नापं समृद्धि, सुशासन व विकासया निर्ति न्ह्याःवनेमाःगु खँयु बः बियादिल ।

ज्याभूवलयु वरिष्ठ जलतरंग मोहनप्रसाद जोशीयात हंगु खः । अथेहे संस्कृतिविद् छत्रबहादुर कायष्ठं च्वयादीगु नेपाःया भाषा पुलांगु शब्द भण्डार संग्रहित पुलांगु खँवः धुकू सफू नं लोकार्पण याःगु खः । समाजया इलाका नं ५ पूर्णचण्डी शाखा थुगु दँयु उत्कृष्ट शाखा जुगुलि शाखाया अध्यक्ष माधव मुल्मीयात रनिड शिल्ड लःल्हागु खः । अथे तुं, समाजया थीथी ख्यलयु बांलाःगु ज्या याःपित हनेज्या नापं स्यस्यः सम्मान, यशस्कर सम्मान, आजीवन सदस्य सम्मान नापं उत्कृष्ट विद्यार्थी पुरस्कार नं लःल्हाःगु खः ।

रञ्जना लिपिं पिहाँ वयाच्वंगु  
रञ्जना लिपि लयुपौ ब्वनादिसँ/ब्वकादिसँ

**रञ्जना लिपि**

रञ्जना लिपि मासिक RANJANA LIPI Monthly लयुपौ

प्रचलित नेपाललिपिं पिहाँ वयाच्वंगु  
महसीका लयुपौ ब्वनादिसँ/ब्वकादिसँ

**महसीका लयुपौ**

MHASIKA Monthly | महसीका मासिक

"ABCD खबर ताजी सबैको खबर"

**ABCD Khabar Media**  
abcdkhabar.com.np

Jagati-8, Bhaktapur, Nepal  
01-6611936, 9841394387, 9841334113  
abcdkhabar@gmail.com

## सम्राट अशोकया २३३० क्वःगु जन्म जयन्ती



लहना वाःपौ/ चारुमती चरुमतीया जहान देवपाल नापं चारुमती महाविहारया ग्वसालय बहीया बारे तःजिक अन्तर्क्रिया अशोक अष्टमीया दिनय् सम्राट अशोकया २३३० क्वःगु जन्म जयन्ती तःजिक हंगु दु।

अशोकया म्हायाय् चारुमतीया नामं दयेकूगु चाःबहि दुने हे सम्राट अशोक, अशोकया म्हायाय् चारुमती, बुद्ध धर्मयात हलिन्यंकं प्रचार प्रसार यानादीमह चक्रवती सम्राट अशोकया योगदान नापं अशोकया जीवनीयात कयाः तर्क ब्यापक चर्चा यायेगु ज्या जूगु खः।

ज्याइवल्य पुलापिं मन्त्रीपिं गोपाल किराँती, डा. केशवमान शाक्य, बौद्ध विद्वान धर्म शाक्य, अभियन्ता राजु शाक्य, पत्रकार श्रीकृष्ण महर्जन नेवाः, साहित्यकार रमेशजंग थापा, भिमानन्द ढुंगाना, डा. मिलनराज गर्तौला, सुकन्य अधिकारीपिसं थःथःगु नुगुं खः तयादीगु खः।

भिक्षु तपस्वी धम्म महास्थविर व महाविहारया थायुपाजु पूर्णवीर शाक्यया मंकाः सभाध्यक्षताय् ज्याइवः जूगु खः।

चारुमती महाविहारया गुथियार परमानन्द शाक्य न्याकादीगु ज्याइवल्य थीथी ब्यक्तित्वपिसं थःथःगु बिचाः प्वंकादीगु खः। चारुमती महाविहारय् चारुमतीया मूर्ति पलिस्था यायेगु सवालय् विहारया गुथियारपिसं औपचारिक रुपं क्वछी धुंकूगु दु।

चारुमती महाविहारय् अशोक जन्मजन्ती हंगु थ्व स्वक्वःखुसि खः।

## गुक्वःगु हलिं नेवाः दिवस हन



लहना वाःपौ/हलिमय् न्यक्कभनं च्वना वयाच्चपिं नेवाः समुदाय मुना न्यायेका वया च्वंगु हलिं नेवाः दिवसया लसताय् देश विदेशया थीथी थासय् थीथी ज्याइवः यानाःहंगु दु। दैयदसं मार्च महिनाया लिपांगु शनिबार लाका हनावयाच्चंगु हलिं नेवाः दिं थुगुसिइ गुक्वःगु हलिं नेवाः दिं कथं मार्चया २८ तारिख खुन्हु हलिमय् न्याथाय् च्वंसां भी नेवाः धइगु नारा ज्वना हलिमय् न्यक्कभनं हंगु दु। थ्वहे इवल्य हलिं नेवाः दबुया नेपाः देय् मू कवःया ग्वसालय् यँया बसन्त पुलिइ तःजिक हंगु दु। यँ महानगरपालिकाया कार्यवाहक प्रमुख सुनिता डंगोल मूपाहाँ कथं न्हभायादीगु उगु ज्याइवः ग्वसाखलःया नायः रमेशमान मुनिकारया सभानायसुइ जूगु खः। ज्याइवल्य नेवाः संस्कृति, बनेज्या, कला व मेमेगु विधाय् ज्वमदुगु योगदान बिया भाषा, जाति, संस्कृति या थपु यानादीपिं व्यक्तित्वपिन्त हना व सिरपा देखाःगु दु। उगु ज्याइवल्य साहित्य व पत्रकारिताख्यःया न्यत्यलुवा रमेशकाजी स्थापित यात भिम तुलसि नेपालभाषा पत्रकारिता सिरपा व सन्चारख्यलय् ज्वमदुगु योगदान दुम्ह विजयरत्न असंबरेयात हरिश्चन्द्र लुमन्ति सिरपा बियाः हंगु दु। अथेहे गाथिका रिता महर्जनयात रमेश ताम्राकार लुमन्ति सिरपा, वरिष्ठ नाट्यविद् वीणा जोशी राजभण्डारीयात सविता महर्जन मुनिकार लुमन्ति सिरपा, संगीतकार जुगल डंगोलयात जयराम श्रेष्ठ लुमन्ति सिरपा, अमृता शाक्य सिर्जना सिरपा रिता दुवाल यात देछगु दुसा एन एन ए उपाध्यक्ष जुयादीमह रोजिना प्रधान राईयात भिंतुना पौ लःल्हाःगु खः।



**NEW ZENITH**  
ENGLISH MODEL SCHOOL

**ADMISSION**  
**OPEN**  
For Lower Secondary Level

**ENQUIRY OPEN**  
FOR ALL OTHER  
**CLASSES**

**ENROLL NOW**



01-5349164

Bhurungkhet, Kathmandu

www.newzenith.edu.np

## स्वास्थ्य अमूल्य सम्पत्ति हो, यसको रक्षा गरौं।

- सन्तुलित र पौष्टिक खाना सेवन गरौं,
- दैनिक शारीरिक व्यायाम गरौं,
- स्वच्छ पानी र सरसफाइमा विशेष ध्यान दिऔं,
- खोप तथा आवश्यक स्वास्थ्य सेवा समयमै लिऔं,
- नियमितरूपमा स्वास्थ्यसम्बन्धी परामर्श लिऔं,
- मानसिक स्वास्थ्यको ख्याल राखौं र तनाव व्यवस्थापन गरौं,
- सुर्ती, मदिरा र लागूऔषधबाट टाढा रहौं,
- नियमित स्वास्थ्य परीक्षण गराऔं,

स्वस्थ नागरिक, समुन्नत राष्ट्र।



नेपाल सरकार

**विज्ञापन बोर्ड**

## छत्रपाटी निःशुल्क चिकित्सालय (अस्पताल)

“स्तरिय शलभ स्वास्थ्य सेवा सकसिया मिति, असहायता मिति जक निःशुल्क”

### उपलब्ध सेवा

#### २४ घण्टा सेवा

- इमरजेन्सी
- प्याथोलोजी
- एक्स रे
- ई.सी.जी.
- डी.एच.ए.
- अन्तरंग सेवा
- सिटी स्वयंसेवा

#### शल्यक्रिया

- मोतिमिन्
- क्लरिफिकेसन
- नाक कात घाँटी सम्बन्धि
- हाडजोर्नी तथा नाक सम्बन्धि
- बिना निरुपार पिताउ नतीको पत्तर सम्बन्धि

#### इन्टरनल सेवा

- सुट रोग
- पेड रोग
- मृदोत्वोपी
- स्त्री रोग
- बाल रोग
- अन्तरंग रोग
- डन्ट रोग
- आँखा रोग
- जनरल मेडिसिन
- खस्रे तथा खस्रे रोग
- नाक कात घाँटी रोग
- जनरल हेल्थ चेक अप
- माइग्रेटिभ
- मधुमेह

#### मेमेगु सेवा

- ड्युप्लि
- इन्फोर्मेसियन
- फिजियोथेरापी
- कन्सल्टेन्स, क्लरिफिकेसन र इन्फो
- सुपेरीरि क्लरिफिकेसन प्रयोगशाला
- डि.एस.ए. इन्फो
- मेमेगु सेवा



**२४ घण्टा**  
**इमरजेन्सी सेवा**

७०८ गंगालाल मार्ग, छत्रपाटी, काठमाडौं, फोन: ५३१६१३८, ५३५७९११, ५३६६२२९